

Angajoqqaanut paasissutissiissut

MRSA

Bakteerissanik antibiotikanut akiuussinnaassuseqalersimasunik patsiseqartumik nappaateqartoqarsimammat angajoqqaatut nappaatip tuniluussinnaaneranut annikillisitseqataasinnaavutit.

Bakteerissat ilaat MRSA-mik taaguutillit antibiotikanut nalinginnaasunut akiuussinnaassuseqarput. Bakteerissanik MRSA-nik patsiseqartunik ulorianaatilinnik nappaatillit, nakorsaruminaatsuusinnaanerak ajornartorsiutaavoq. Siusinnerusukkut MRSA napparsimavimmi uninngasut akornanni nassaassaagajunnerugaluartoq maanna aamma napparsimaviit avataannut- soorlu inoqutigiinnut imal. ilaanni amma meeqqerivinnut siaruaappoq. Inunnut peqqissunut amerlanernut MRSA navianaateqanngilaq.

Tunillatsinneq

MRSA stafylokok-isut allatulli tunillaattarpoq. Stafylokok-it inuit peqqissut sorluuniittarput ammiluunniit qaaniittarlutik inoqutigiillu akornanni tuniluussinnaasarlutik. Inuk kilerneqarpat ajuaqarpat anersaartuutitigulluunniit aseruuttoorneqarpat tunillatsinnissaq qaninnerusarpoq.

Pitsaaliuineq

MRSA siaruaateqqunagu Nunatsinni Nakorsaaneqarfik MRSA-p siaruatsaalineqarnissaanut immikkut ilitersuusiortoq. Misissortinnissap qaqugu pinissaa kiisalu inuit ataasiakkaat inoqutigiillu qanoq nakorsarneqartarnerat, ilitersuummi takuneqarsinnaapput. Pineqartoq peqqinnissaqarfimmit paasissutissinneqassaaq.

Suliffeqarfimmi nappaalasoqalerpat (inunnit ataatsimoortunit marluk amerlanerilluunniit MRSA-mik patsiseqartumik nappaateqartut paasineqarpat) kingorna imminnut tunillaassuteqqeqqunagit, ataatsikkut misissorneqarlutillu pisariaqarpat nakorsarneqassapput. Taama ataatsimoortunik misissuinnissaq Nunatsinni Nakorsaaneqarfik isumaqatigiissuteqarfigalugu aallartinneqassaaq. Misissuinnermi peqataasut allakkatigut paasissutissinneqassapput.

Nappaammut ersiutit

MRSA-mik patsiseqartumik nappaateqarneq nappaatinit stafylokok-inik allanik patsiseqartunit allaassuteqanngilaq, nappaateqareersuinnarnilu peruluutaanerusarluni. Ammikkut aseruuttoornernit ajussanillu stafylokok-inik allanik patsiseqartunit allaassuteqanngilaq.

Taama nappaateqartoqartillugu maleruagassat

MRSA-mik patsiseqartumik nappaateqartoqartillugu iliuuseqarnissaq, Nunatsinni Nakorsaaneqarfiup akisussaaffigaa.

Nunatsinni Nakorsaaneqarfik

Meeqquerivimmukaqqinnissaq

Maleruagassat nalinginnaasut malinneqarnissaat pingaarnersaavoq MRSA–mik nassaarfiugaluit peqqissulli paaqqinnittarfimmukarsinnaapput. Ikeqaraanni ajuaaraanni nuffasersimagaanniluunniit paaqqinnittarfimmukartoqassanngilaq. Ikeq aseruuffiusoq nakorsarneqartoq ussissumillu mattuserluagaasoq ataasiinnaappat, meeqqat atualereersut paaqqinnittarfimmiissinnaapput. Nunatsinni Nakorsaaneqarfik pisariaqarpat immikkut iliuuseqarsinnaavoq.